

آبونه شرائطی
داخلی، خارجی، مریایچون
سنه لکی (۲۵۰)، آلتی آیلنی
(۱۳۰) فروشدر .

نسخه سی ۵ فروش ،
سنه لکی ۵۲ نسخه در
اداره خانه

باب عالی جاده سنده دائره مخصوصه
خطارات
آبونه بدلی پهنندر

مسئله موافق آثار مع المنونیه
قبول اولنور . درج ایدلهین
یازیلر احاده اولونماز

و الله یهدی من یشاء الی صراط مستقیم محمد عاکف

اشرف ادیب

اتبعون اهدکم سبیل الرشاد

المجله

دینی ، فلسفی ، علمی ، ادبی ، سیاسی هفته لقی مجموعه اسلامیہ در
صاحب و مدیر مسئول

بارہ کوندردیکی زمانہ نمبرہ دائر
اولدی و اضناً ییلدیرلمسی
رجا اولنور

خطارات
ادرس تبدیلنده آیریجه بیس
غروش کوندردلمیدر

مکتوبلرک امضالری واضح
واوقوناقلی اولسی و آبونه صبره
نوسروسی محتوی بوقسی
لازمدر

ممالک اجندیہ ایچون آبونه اولافلرک
آدرسلرینک فرانسزجه ده یازلمسی
رجا اولنور

بارہ کوندردیکی زمانہ نمبرہ دائر
اولدی و اضناً ییلدیرلمسی
رجا اولنور

نہدہ معنای امکان یوق در . بناءً علیہ مسئولیت وجدانیہ کی بودہ
غیر کافی در [۱] .

مسئولیت اخرویہ :

برنجی وایکنجی درجہ دہ کی مسئولیت لہ اکتفا ایدیلوب اعمال
ایچون بونلردن دایا قوتلی بر مسئولیت قبول ایدیلدیکی تقدیردہ
مسئولیت اخلاقیہ کافی درجہ دہ تحقق ایتیمور دیمکدر . مسئولیتک عدم
تحقیق ایسہ اخلاقک فقدانی اشجای ایدر . ایشتہ بونک ایچون درکہ :
بز ، اخلاق اولان مسئولیتک ، تعمیر دیکرلہ اعمالک قانون اخلاقیہ
مغایرتی نتیجہ سی معروض قالہ جعفر مسئولیت وجزانک اک بیوکی
مسئولیت اخرویہ اولدیغہ قانع بولونمقدہ بز کہ نفس الامر دہدہ بویلدہ در .
بناءً علیہ تمامی مسئولیت ، انسانک جناب حقہ قارشی اولان مسئولیتی در ؟
مسئولیت اخرویہ در . بالجملة نیات و اعمالدن طولانی مسئولیت اخرویہ
دوچار اولہ جفتہ ، روز جزا دہ - بورادہ کی عمللرندن طولانی -
جناب حق طرفندن اذدقیق بر محاسبہ یہ تابع طوتولہ جفتہ ایمانی اولیان
برکیمسہ ایچون برنجی وایکنجی درجہ دہ اولان مسئولیت کافی دکل در .
شو حالہ مسئولیت اوج درجہ اولمش اولیور . بونلرک اک قوتلیسی ،
اک قطعی ولایتیغیر اولانی دہ اوجنجی درجہ اولان مسئولیت اخرویہ در .
بومسئولیتہ ایمانی اولیسانلر ایچون « مسئولیت وجدانیہ » و « انبای
جنسمرک مسئولیتی » هیچ در . اونلرک هر درلو قتالنی ارتکاب ایدہ جکندہ
اصلاً شہ یوق در . ناصل کہ مشہور « وولتر » بیلہ : « دینسر ، یعنی
مسئولیت اخرویہ ایمانی اولیسان ، جزاسز قالہ جفتی بیلسہ هر درلو
قتالنی ارتکاب ایدر ایدی ، دیمکہ بو حقیقتہ نہ کوزل ترجان
اولمش در [۲] ، « رأس الحکمة مخافة الله » .

آتشہ کیل
احمد صدیقی



غرائیق مسئلہ سی حقندہ

دارالحکمة الاسلامیہ اعضاسندن زاسم افندیلکہ خطای عظیمی

بدیہی بر حقیقت درکہ : مسائل دینیہ نک اک بیوکلرندن بری ،
بلکہ دہ برنجیسی « وحی » مسئلہ سی در . وحی مسئلہ سندن اوقاق بر
شہ ، دینی اساسندن بیقرار . چونکہ دینک تملی « وحی » در . تم
سازسیلنجه ، اونک اوزرینہ قورولان بنانک هیچ اہمیتی قالماز .

قرآنی تدبر ایدیلر پک اعلا بیلیرلرکہ : دین اسلام انبیانک شانی
پک زیادہ اعلا ایتمش ، « حملہ وحی » اولملری اعتباریلہ اونلرک قدر

[۱] وظیفہ نک قوۃ تأییدیہ سی بحثہ مراجعت .

[۲] ذاتاً خیر وشری تمیز ایتک ملکہ سندن عبارت « بولان » وجدان « ک
دیندن ، مخافة الله بن تحمل ایتمش بر قوت اولدیغندہ شہ یوق در . دین اولدیغہ
حقیق بروجدانک بولونہ مانہ جفی - عادتاً - بدیہیات جملہ سندن در . بویلدہ دہا
زیادہ تفصیلات ایچون « دینی درسہلر » ک اوجنجی کتبانک بشنجی درسہ
مراجعت اولونتی لازم در .

حال بوکہ - وظیفہ نک قوۃ تأییدیہ سی بحثی ایلہ مباحث سائرہ دہ
کورولہ جکی اوزرہ - بر جوق اسباب و عوامل محکمہ وجدانیہ مزاورندہ
اجرای تأثیر ایدیلورلر ؛ سلامت فطریہ سی اخلاص و قابلیت طبعیہ سی
اطفا ایدیلورلر . ارتق صفوت اصلیہ سی غائب ایتمش اولان بر محکمہ نک
تعیین ایدہ جکی مسئولیتک واقعہ نہ درجہ دہ قدر مطابق اولاییلہ جکی
ادنی بر ملاحظہ ایلہ اکلاشیلہ بیلیر ظن ایدرم . بونک ایچون درکہ
اعتیاد رذائلہ مألوف اولان برشرر ، ارتکاب ایلہ دیکی براخلاصزلقدن
طولانی محکمہ وجدانیہ سی طرفندن مسئولیت و مجازاتہ دوچار اولمایور .
اونک محکمہ وجدانیہ سی اوفعلک فنا اولدیغنی تقدیردن عاجز بر درکہ دہ
بولندیغندن اعمال سیئہ سندن طولانی مسئول اولمایور ، وجدان عذاب
طاعمایور . دیگر طرفندن بو محکمہ نک صفوت اصلیہ سی محافظہ ایتمش
اولان بر انسان مغایر اخلاق اک اوافق بر حرکتدن طولانی پک شدتلی
بر مسئولیت وجدانیہ یہ معروض قالیور . دیمکہ کہ عذاب وجدانی ماملک
مسئولیتی اسبتندہ تحقق ایتیمور .

ایشتہ بونک ایچون درکہ اعمالک خیر وشرہ موافقت و یا عدم موافقتی
نقطہ سندن بالکمز « مسئولیت وجدانیہ » کافی اولدیغنی مروت ادعا
ایدہ بیلیرز .

انبای جنسمرہ قارشی مسئولیتہ :

دنیلہ بیلیرکہ : مسئولیت وجدانیہ ، انبای جنسمرہ قارشی وقوع
بولہ حق مسئولیتہ لہ اکمال اولنور . اعمالی ، خیرہ مطابق اولان بر
انسان انبای نوعک تقدیرینہ مظهر اولور ؛ اونلری شوق و مسرتہ القا
ایدر ؛ اونلرک امنیت و محبتی ، احترامی قازانیر . عکس تقدیردہ ایسہ
توخیج و تکدیرلرینہ ، أسف لرینہ ، خیر خواهانہ اخطارلرینہ معروض
قالیر ؛ کیتدیکہ اونلرک اوزرلرندہ عدم امنیت ، نفرت ، بغض اثری
ظاہر اولمایہ باشلار . دہا ایلری کیدہ جک اولورسہ - ایش اخلاق
دائرہ سندن چیقہ رق حقوق دائرہ سہ کیرر ، و - قانونی ، سیاسی
مسئولیتلر قارشیسندہ قالیر . بومسئورتلہ وجدان عذاب کورمہ جکی
فرض اولنان انسانلر انبای جنسک مسئولیتدن قور تولامازلر . دیکرلری
ایسہ ہر ایکی مسئولیتہ دوچار اولورلر .

فی الحقیقہ ، ایکنجی درجہ مسئولیت ، انسانک انبای نوعہ ،
وطنداشلرینہ قارشی اولان مسئولیتدر . برنجی درجہ مسئولیت ، یعنی
انسانک وجدانہ قارشی اولان بر مسئولیتک حدودی « دروندن عذاب
وندامت و یا خود شوق و انبساط حسن ایتمکدن عبارت » اولوب نتیجہ دہ
بر جزای مادی اولدیغنی حالہ ایکنجی درجہ مسئولیتدہ عذاب مادی دہ
بولہ بیلیر ؛ و بو نقطہ دن ایکنجی ایلہ برنجیسک اکمال و اتمام ایدیلہ
بیلہ جکی ملاحظہ سی وارد اولور .

فقط نہ اولورسہ اولسون بودہ کافی دکل در . بومسئولیتک دہ
اوقدر قطعی و قوتلی اولدیغنی آشکاردر . بالجملة نیات و اعماللرندن
طولانی انبای جنسمرک بزی مسئول ایتشی غیر قابل در . بوکا نہ مادہ ،

ومنزلتک بک یو کسک اولدیغنی سویله مش؛ فضائلده، صدق و امانتده اعمال صالحه ده بشریت ایچون بر نمونه امتثال اولدقلرینی بیلدیرمش؛ اوللری خصمهای دینک اسنادا شدن، دینلرینه منسوبیت ادعاسنده بولنان کروه حقما وجهلانیك - هر هانکی بر سائقه - نسبت ایله دکاری مختراعت و خرافا قدن تمامیه تنزیه ایله مش در.

اسلامه نظر امان ایله باقانیله کیزلی دکدرکه، بو دین، بالجله رسل عظام حضراتک وظیفه تبلیغده زلل و خطا دن تمامیه معصوم، کزک قول و کرک فعله عاند جناب حقت کندیلرینی توجیه ایله ایکی جهته زیغ و ضلالدن تماماً مبرا اولدقلرینی تثبیت و تقرر بیورمش در. بالخاصه خاتم رسل اولان جناب محمد (صلعم) بواختیار ایله هپسک فوقده بر موقع ممتازده در.

اوت، تبلیغ عن اللهده عصمت رسل، اصول اسلامیه دن بر اصل در، که بوکا بالذات قرآن شهادت ایله دیکی کی، سنت تأیید ایتمش، امتده بونک اوزرینه اجماع ایله مش در. بناء علیه قرآنک شهادتی، سننک تأییدی، امتک اجماعی و بونلره انضمام ایدن عقلت ارشاداتی ایله آکلا بورزکه: رسل کرام وظیفه تبلیغده معصوم در، جناب حق دن تلقی بیوردقلری احکامی عیناً و تماماً تبلیغ خصوصنده هر تورلو زلل و خطا دن مصون و منزله درلر. اونلر جناب حق دن تلقی ایتدکلرندن باشقه شی سویله مشلر و تلقی ایله دکاری شیریه ده جناب حق دن اولدیغنی جزماً و یقیناً بیلدکلری حالده بزه تبلیغ ایتشلردر، که وحیک معناسی ده بوندن باشقه برشی دکدر.

ادیانک مستندالهی اولان بواساس، دینک نه دینک اولدیغنی آکلایان ارباب ادیان دن هیچ برینک شبهه اتمه چکی بر حقیقت در. بویله اولسه یدی، «وحی» ناصل اعتماد ایدیلردی؟ مبلغ تماماً معصوم اولماچیه جناب حق دن اولانلر ایله اللهک غریبندن اولانلر نه صورتله تمیز ایدیله بیلجهک؟

ایشته بونک ایچون درکه، دین اسلامک خصمهای اولان و پرده کشف تعصبله بصر و بصیرتلی ستر ایدیلش بولنان اجانب مسلمانانی تنقید ایدر ایکن دائماً بواساسی ییقمغه سعی و غیرت ایتشلردر؛ کیمی بونک مصروع، کیمی مسحور اولدیغنی ادعایه قدر یورومشلر و کندیلرینه رهبرلک ایدن مومک آنحق یاتسویه قدر یا تماسیله مقصدلرینه واصل اوله مامشلردر.

غرضکار اجنبیلر بیلهرک بواساسی تحریبه چالیشدقلری کی، دین اسلامه منسوبیت ادعاسنده بولنان بر طاقم عبده نقول، اسرائلیات عاشقلری ده - بر قسمی بیلهرک، دیگر بر قسمی ده بیلعه یهرک - بوزککک هدم و توهینه چالیشورلر. دی یه بیلیرزکه: اجنبیلر طرفندن مسلمانلق علیهنده اویدورولان ترهاتک منشأ اصلیه ده بو عبده خرافات در. خصمهای دین بونلردن چوق مظاهرت، یاردم کورمشلردر. فکریمزی برآز ده ایضاح ایدلم:

اعترافه مجبورزکه: هر یرده اولدیغنی کی شر قده ده، اوفاق برحاکه یه

بیله لزوم حس ایتیمکسزین هر سوزی کور کورینه قبولده اصرار ایدن متعصبیلر واردی، حالاده واردلر، بونلر، نه شکلده اولورسه اولسون، روایت، نقوله اودرجه عاشق درلرکه: نروده وهانکی مسئله حقنده بر نقلی کورسیرلر - حاطب اللیل کی - اونی همان آلیرلر، کتابلرینه کچیرلر، نه یه مال اولورسه اولسون اونی قبولده اصرار کورسیرلر. بونلر کندیلرینی جریان الفاظه اودرجه قایدیرمشلردرکه: هر هانکی تفسیرده، کتابده اولورسه اولسون کوردکلری بر مطالعه یی مدافعه ایتکی لوازم دینه دن بیلیرلر. خصمهای اسلام دن زیاده دین اسلامه منسوبیت ادعاسنده بولنان بو زمردن بالذات مسلمانلکک یک چوق ضرر کوردیکنی سویلر سهک هیجده مبالغه ایتمش اولماز.

انکاره محال یوق درکه: یالان حوادث اویدورمق هر دورک، هر زمانک الک حزمین و مستولی بر خسته لغیدر. بالخاصه حقیقته قارشی منطقله مقابله دن عاجز بولنان یا بناره جیلرده بو حال ده زیاده در. ایشته زمانمزده کی غرضکارلرک تسویلات ایله فریبانه لری کی اسلامیت بدخواه لری ده و قتیله بیکلرجه موضوع احادیث اختراع ایدرک - منطق قوتی ایله یکم مدکلری - اسلامیت حقنده اذهان ناسی تغلیطه چالیشمشلر، اساسات اسلامیه حقنده بعض شبهه و ترددلر حاصل ایتشلردی. بو خرافات و اکاذیبی نقل و اشاعه ایدنلر ایسه - الک زیاده - اسلام نامی آلتنده بولنیورلردی. مع مافیه بونلرک ایچنده بوتون معناسیله مسلمان اولمازلرده آز دکل ایدی. ایشته بو کیلر واسطه سیله درکه مسلمانلق حقنده درلو خرافه لر، کونا کون اسرائیلیات مظهر رواج اولمشدی.

ایشک غریبی شوکه: مسلمان نامی آلتنده بولنان بر انسانک پیغمبری نامه یالان سویله یه چکنی هیچ خاطرندن بیله کچیرمه مش، صافیت قلبه مالک بعض علمامنر بیله بو روایات مصنعه یی اولدیغنی کی کتابلرینه کچیرمشلردی. جمع احادیثه اعتنا اولوندینی زمانلرده بو حقیقتلر تمامیه اکلا شیلمش اولدیغی جهته بالا خره علمامنر بواقاویل و مختراعات باطله نک احقاد ایچون نه بیوک بر فته منبی اوله جغنی محاکمه ایتمشلر، و هیچ اولمازسه احادیث صحیحه ایله موضوعه یی آیرمق لزومی حس ایتمشلر و بویولده بک عظیم مساعی صرف ایدرک بوکا موفق ده اولمشلردر.

ایشته او متعصب و متعاصی کروه طرفندن و قتیله - نتیجه نک نه یه منجر اوله جغنی تدقیق ایتیمکسزین - کتابلرینه درج ایدیلن و بالا خره خصمهای اسلام طرفندن سرمایه مقال اوله رق ایکیده برده تمجید پلاوی کی ایصیدیلوب اورتیه قونیالان مسائل دن بری ده «غرائیق مسئله سی» دینلمکله معروف اولان مسئله در. غرائیق مسئله سی - دیگر مقاله لریمزده ایضاح ایدیله چکی اوزره - دینک اساسنه تعلق ایدن بر مسئله در؛ عصمت رسل اساسی هدم ایدن، «وحی» حقنده شبهه و تردد او یاندیران بر مسئله در. بو مسئله، زنادقه طرفندن اویدورولمش، محاکمه دینلن جوهر قیمت داردن محروم اولان بعض اسلام مؤلفلری ده بونی کتابلرینه کچیرمکده محذور کورمه مشلردر.

مع مافیہ ، محدود فکری بر قسم عبدہ نقولک کتابرینہ یازدقلمی
بو مسئلہ بی ، وقوف واحاطہ لری مسلم عالم اولان اعظم مؤرخین ،
مفسرین ومحدثین اوزون اوزادی بہ تدقیق و هیچ بر مظلّم جہتی بر افاقسزین
دراية وروایۃ حکایہ نك مصنع ، مرتب وموضوعات زنادقہ دن اولدینی
اثبات ایتشلردر . بوعبار ایله مسئلہ ، هر جہتی حل ایدیلش ، هیچ
بر مظلّم قطعہ سی بیله قالماش اولان مسائلدن در . آلدہ بولنان کتب
تفسیریہ مزک الک جوق تدقیقانه مستند بولنانلرنده بو مسئلہ نك مخترعات
زنادقہ دن اولسی حقندہ تفصیلات مکملہ اولدینی کبی ، معلومات
تاریخیہ ده بویله اولدینی اثبات ایدیور .

حقیقت بویله ایکن بک غریب بر وقعیہ شاهد اولیور ، وباطلک
بوسبتون مظاهرت ومعاونتدن محروم قالمدینی حقندہ کی قناعتی عادی
نازہ لیورز :

خاطر لرده اولسه کر کدرکه ، بوندن تقریباً بر سنہ مقدم آغلیقان
کلیسائی طرفندن مشیخت اسلامیہ دین محمدی (صلی اللہ علیہ وسلم)
حقندہ بعض سؤالر صورولیور وبونلره جواب ویریلشی رجایدیلیوردی .
بو سؤالر اوزمان دارالحکمة الاسلامیہ حوالہ ایدیلش واوراده کی
اعضای مقتدرہ طرفندن مسئلہ مذکورہ ده جواب اولق اوزره - تدقیقانه
مستند - بر اثر یازیلہ به باشلامش ایدی .

فقط دارالحکمة الاسلامیہ اعضالردن بولنان بر ذات ، خواجه
راسم افندی ، شخصی نامنه بوسؤاللره جواب ویرمک ایستہ مش ومذکور
جوابلری ده جرائد یومیہ دن بری ایله نشر ایتیه باشلامشدی . اولہ
بیلرپا ، حریت کلام وار ، حریت مطبوعات وار ؛ کیسه بوندن منع
اولنه ماز ؛ هر کس - حدود حریتی داخلندہ - فکری نشر ایتکده
سربستدر . حتی مقصدک علوی نظر اعتبارہ آئیرسه بو کبی ذوات
محترمی تقدیر ایتک لازم در . لکن بو کبی یازیلردن بکله نیتن غایہ نہ در ؛
بالطبع حقایق اسلامیہ بی دوست ، دشمن هر کسه ا کلامق ، ا کلامیہ
جالیشمق ، مسلمانلره قارشى اسناد اولونان مفتریانه ، اعتراضانه جواب
ویرمک ، اونلرک اصل اساسی اولمدینی مقنع دلیللر ایله ایضاح ایتک
دکلی ... ؟

شمی برده دارالحکمة الاسلامیہ اعضاسندن راسم افندی حضرت تلرینک
یازدقلمی تدقیق ایدلم : راسم افندی ، بر کلیسا طرفندن اسلامیت
حقندہ وقوعبولان سؤاللره جواب ویرر ایکن اسلامیت دشمنلرجه
سرمایۃ مقال اولان « غرائیق مسئلہ سی » ده دوشونمش ، وبونک
حقندہ ده برشی سویلکسزین کچورمه بی موافق بولاماش اوللی که بونک
ایچون ده اروجہ بر بحث تخصیص ایدیورلر .

راسم افندی : « بومقالده (بحوالہ تعالی) بغایت مشکل بر مسئلہ
حل اولوناجقدر . اومشکل مسئلہ نك حلی ایچون اولا برطاقم مقدماتک
استحضار ایدیلشی لازم در . افاده سیلہ سوزہ باشلایه رقی اولا برطاقم
مقدمات سرد ایدیور . بز کال صافیتله سویلہ جکزرکه : « بغایت مشکل
بر مسئلہ حل اولوناجقدر ، افاده سی هیچ ده دوغرو بولاماش وبو

طرز افاده به حیرت ایتشدک . چونکه موضوع بحث اولان مسئلہ حل
ایدیلہ مش برشی دکلدز ؛ بغایت مشکل اولان اوموہوم مسئلہ نك ماهیتی
- موضوعات سائرہ کبی - محققین علمامن طرفندن میدانہ جیقاریلش ،
مصنع ومرتب اولدینی اثبات ایدیلشدی . مع مافیہ بر اجنبی نك سوردینی
سؤاللره قارشى بوندہ بآس یوقدر ، وبویله دیمک ده دوغرو در دی یلم .
فقط بو طرزده سوزہ باشلامش اولان ودارالحکمة اعضاسندن بولنان
بر ذاندن زنہ بکلزایدک ؟ .. بومسئلہ اطرافندہ - وحی حقندہ بر شہہ تولید
ایتک مقصدیلہ - شمدی به قدر ایراد ایدیلن اعتراضاتی اساسندن قلع
ایتک ، عروق شہاتی تمامیلہ قطع ایلمک ، اصل واساسدن ماری بر
بہتان محض اولدینی اثبات ایتک ... دکلی ؟ . چونکه دارالحکمة
الاسلامیہ نك وظیفہ اساسیہ سندن بری ده دینہ قارشى وفوعبولان عھوملره
جواب ویرمک ، دین علپندہ کی شہہ لری دفع ایتیه جالیشمق در .

حال بوک خواجه راسم افدینک یازیلری - مع التأسف - هیچده
بویله بولیورز . مومی ایله مسئلہ نك حل ایدیلہ جکلی کال قطعیتله بزم وعدہ
ایلدکلی حالده ؛ حضرت پیغمبرہ وقرآن عظیم الشانہ قارشى سویلمدک
برہدیان بر اقامش اولان غرضکار مشہور دوقتور دوزی وامثالک
بومسئلہ حقندہ کی افکار فاسدہ لری عادیاتقویہ ایتش اولیور . چونکه
نتیجہ اولہ رقی حضرت پیغمبرک وحی الہی ایله شیطان کلامی تفریق
وتیمیز ایدہ مہ یه رک القات شیطانیہ بی اللہ کلامی دی به قرائت بیوردینی
سویلیور . ایشته شوسوزلر راسم افندی نك در :

« ... حضرت پیغمبر « افرأیتم اللات ، یعنی لات ایله عنای و دیگر
اوجنچیسى اولان منائی کوردیکزى ؟ » آیتی اوقورکن اومنیہ نك حصول
اٹاشاندہ شیطان لعین مان « تلك الغرائق العلی وان شفاعتہن لترجمی » جملہ
ملعونہ سنی القا ایلدی . حضرت پیغمبر وحی ہشکامندہ حال تجرد وانسلاخندہ
بولوندقلمی ایچون جبریل (ع م) ک وحی ایلدیکی آیتلری فصلکہ غیراختیاری
اولاراق اوقیور ایدیسہ شیطانک القا ایلدیکی اوملعون جملہ بی ده غیراختیاری
اولاراق اوقودیلر . هیچ فرقندہ اولادیلر . جبرائیل علیہ السلام کلوب اوجملہ
ملعونہ نك القاء شیطانی اولدینی خبر ویرنجہ به قدر هیچ فرقندہ اولادیلر !
- علمدار - ۴ کانون ثانی سنہ ۱۳۳۶ »

نه عظیم خطا ...! راسم افندی نه وعدہ ایدیوردی ؛ بغایت مهم
ومشکل اولان بر مسئلہ نك (غرائیق مسئلہ نك) حل ایدیلہ جکلی ...
دکلی ؟ .. فقط بوسوز مسئلہ بی می حل ایدیور ، یوقسہ خصمای
دین طرفندن آیلان سهام اعتراضی می تأیید وتقویہ ایدیور ؟ . اسلام
دینی ییقمق ، اسلامک نیسنی (حاشا) عادى ، شہوتپرست بر انسان
منزلہ سنہ تنزیل ایتک مقصد غرضکارانہ سیلہ بر تاریخ اسلامیت یازان
(هولاندالی دوقتور دوزی نك) بومسئلہ حقندہ کی افاده لری ده آشانی
یوقاری بوندن باشقہ برشی می در ؟ .. مسئلہ اولدینی کبی قبول ایدلدکن
صکرہ بونک نرہ سی حل ایدیلش اولیور ؟ ..

نه قدر غریب درکه ، « تلك الغرائق العلی ! ... » ہذیانک شیطان
کلامندن باشقہ برشی اولمایوب « افرأیتم اللات والعزى ! ... » آیت
کریمہ لری ایله هیچده مناسبتی اولمدینی راسم افندی آکلایورده اکل

موجودات اولان حضرت فخر عالم (صلى الله عليه وسلم) بونك - حاشا -
فرقنده اولمايور ..؟

نه يالان سويلهيلم ، بز دارالحكمة الاسلاميه اعضاسندن بولنان بر
ذاتدن اساسات دينيه تعلق ايدن بوقدر صريح بر خطا نك صدور
ايدم بيله جكني هيچده تخمين ايتيورردق . بيليور ايدك كه : آفاده مي
اعضالرينك ، آنسيقلوبه دي صاحبليريك سوزلري عادتاً حجت مقامنده
قوللايلير ؛ بالخاصه منسوب بولونديقلري مسلكه عائد اولورسه !
بز قطعياً امين بولنيورزكه : دارالحكمة الاسلاميه ، اعضاسندن
بي طرفندن صدور ايدن شو خطاي عظيمي هر حالده تصحيح ، اسلامك
نيسي حقنده وقوع بولان شوافتراي صريح كمال قطعيتله رد ايدم جكدر [۱].
مع مافيه پيغمبري هر شى دن زباده سوهن بر مسلمان اولق حسييله
بزده بو باده اوزر يمزه ترتب ايدن بر وظيفه دينيه ي ايفسا ايتمك دن
دور مایه جفز . هر حالده توفيق و هدايت الله دن در . آقسه كيل

احمد محمدی

مسكرا تك ممنوعيت دينيه سى و قانوناً منى

مسكرا تك منع استعمالى ايچون عالم مدنيتك تشبثات عظيمه ده
بولنديغى واز جمله كچن تموز ابتدا سندن برى آمريكا حكومات
متحده سنده مسكرا تك كلياً منع اولنديغى محائف مطبوعانده اوفوروز .
وجود انساني تخریب ايدن و تفسخه اوغرانان بر ماده يه قارشى آجيلان
بوجاهده ي بز مسلمانلرك ، نظر عبرتدن زباده ، نظر تقدير ايله تعقيب
ايدم جكمز بك طبعيندر . نظر تقدير ايله دييوروز ، چونكه دين اسلام
مسكرا تى قطعياً تحريم ايدمك قطره سنه بيله مساعده و برمه مش ، اوى
استعمال ايدنلره بر جزاي شرعى تعيين ايتمش و تطبيقى قوه اجرائيه يه
تحميل ايتمشدر . بوندن طولاييدر كه وجدان عمومى اسلام هپ مسكرا ته
نظر نفرتله باقىش ، و مسكرا تى قوللانانلري قهيح ايدم ككشدر .
مع التأسف صوك زمانلرده مسكرا تى استعمال ايدنلره اهل اسلام آره سنده ده
جوغالمشدر . فقط مسكرا ت ، وجدان امت حضورنده «ام الحباثت»
موقعنده قالمش و اوى قوللانانلر دائماً كنهكار طانمشدر . حتى بو كنهكارلر
دخى ارتكاب ايتدكلري كيبرمك ممنوعيت دينيه سنه آكام و اوانك
جزاسنه مستحق اولدقلىر نه ، داردنياده جزالرين بولماز و توبه ايتمز لره
آخرتده بو جزايه اوغرايه جقلىر نه معتقددرلر . آنجق محيطك بو كچي
ارتكاباتى خوش كورمى و بعضى سهولتلكر كورلمى بونلرك نمادى
عصياننه سبب اوليور . مع مافيه شو حقيقت توضح ايدنيور كه عصات
امت ده داخل اولديغى حالده بتون امت اسلاميه شريعت مطهره نك
مسكرا ت اعمال و استعمالى خصوصنده وضع ايتديكي ممنوعيت قطعيه يه
رعایتكاردر .

[۱] اميد ايدركه بونك هر ناسل ايسه بر اثر سهو اولديغى بالذات راسم
ايتدى ده اعتراف ايدم جكدر . چونكه بوقدر بين بر خطاده اصرار ايدم بيله جكني
تصور ايدم بيورز .

بناء عليه مسكرا تى منع ايتمك واورته دن قالديرمق مسئله سى ، حكومت
اسلاميه نك وظيفه سى تقدير ايتمى واهمال مباديسى بر آن اول تلافى
ايتمى مسئله سيدر . وجدان امتك ممنوع طائيدى بر ماده يى حكومتك
مباح طائيسنه مساع اوله ماز . دنيا نك هر طرفنده مسكرا ت استعمالى
اعتيادي اورته دن قالديرمق ايچون وقوع بولان تشبثاتك اك مهم و اك
منمركسى انسانك مسكرا تى حكومتك اجباريله دكل ، كندى اختياريله
ممنوع طائيسى و بناء عليه اوى قوللانامسى فكرينى تأسيسه مصر و فدر .
بزده ايسه ، بوكونكي حاله نظراً ايش عكسجه جريان ايدنيور . ملتزم ،
فرمان الهى يه اقتياداً ، مسكرا تك ممنوعيته معتقد اولديغى حالده قوه
اجرائيه بوندن استفاده ايتمه يرك بو عنصر اضمحلال اولان مايي ملكه
مسلط ايدن قابولري آجيق ييراقيور !

بوكون اولاً غريبه مسكرا تى قالديرمق ايچون چالیشانلرك فصل
بريول تعقيب ايتدكلرينى تدقيق ايدم :

غريبه مسكرا تك جبراً منعى ترويج ايدنلر واردر . بونلر مسكرا تك
مادى و معنوى ضررلرينى نظر اعتباره آله رق و علمك بو صددده و بر-
ديكي حكومه استناد ايدرك حكومتلري بويولده حر كته تشويق ايدنيورلر .
بو طريق التزام ايدنلر حكومتلك تا اسكى دورلردن برى مسكرا ت
تجارتنه دائماً بر طاقم ممنوعيتلر وضع ايتديكى و بوكونه قدر بونك دوام
ايدليكى ، مثلاً بر يتانياده مسكرا تك معين زمانلرده صالتديغى ،
آمريقاد ايسه بو ممنوعيتلك درلو درلوسنك تطبيق اولونديغى واز جمله
قرق سنه مقدم بعض مواد تجاريه نك بر جوق تدابير مانعه تحتنده موقع
تجاريه وضع ايدليكى ، بوكون ايسه آمريكا حكومات متحده سندن
قرق ايكي حكومتك مسكرا تى منع ايتديكى و بناء عليه بوراده مشروبات
كشوليك اعمال و استعمالك كلياً بر طرف اولديغى ، بونك محسنات
و فبره سى مشاهده ايدليكى درميان ايدنيورلر . بوندن ماعدا السوچده ،
نوروچده ، فرانسه ده ، اسويچر ده ، بلجيقاده فلمنكده و ديكر
اوروپا ملكيتلرنده مشروبات كشوليك عاينده بر جوق ممنوعيتلري
متضمن قانونلر وضع ايدلمكده در . حق آفريقانك (سيهرله اوانا) ،
شمالى (نيزه) ، (صومال) ، (آفريقاى شرقى) ، (اوغاندا) ، (نياسا)
اراضيسنده ، (شمالى رود زيا) ، (په جوا) و (ياتوسوتولاند) كچي
يرلرنده مسكرا ت حقنده بر جوق اشكال ممنوعيت واردر . آوسترا لياده
(يكي زلاند) مسكرا تك منى ايچون عظيم تشبثلرده بولونييور .
بناءً عليه مسكرا تك كاملاً منى حكومتلرجه اجرا ايدلمسى لازم كلن
برايشدر ، دييورلر .

اوتة طرفدن بو طريق التزام ايدنلره مجارض اولانلر وار ، بونلره
كوره رذيلتك ايقاعنه امكان بر اقامقله او كا مانع اولق كچه بر طريق
مجاهده در . فقط بونوع مجاهده عقامته محكومدر ، چونكه بوييله ياقمقله
رذيلت ظاهراً غائب اولور . فقط خفى بر صورتده نشوونما بولور و فرصت
وقوعنده اك مدتش صورتدم انفلاق ايدر . بناءً عليه بر شيك منعه موفق
اولق ايچون اونك وجدان عمومى طرفندن ممنوعيته قرار و يريله سى اقتضا